

Դրամաշնորհային հաշվետվություն N 3

1. Ընդհանուր տեղեկատվություն

Ծրագրի անվանում	«Տարեցների և հաշմանդամություն ունեցող անձանց տնային պայմաններում խնամքի ծառայություններ»
Դրամաշնորհի N	Լոտ 6. Երևան - Շենգավիթ
Դրամաշնորհատու կազմակերպություն	ՀՀ աշխատանքի և սոցիալական հարցերի նախարարություն
Դրամաշնորհառու կազմակերպություն	«Առաքելություն Հայաստան» բարեգործական հասարակական կազմակերպություն
Ծրագրի իրականացման ժամանակահատված	01.04.-29.04.2022թթ.
Հաշվետու ժամանակահատված	01.07.2022 - 30.09.2022թթ.
Ներկայացման օր	05.10.2022թ.
Հաշվետվության պատասխանատու (անուն, ազգանուն, պաշտոն)	Մարգարիտ Հովհաննիսյան սոցիալ-առողջապահական ծառայությունները համակարգող

2. Բովանդակային հաշվետվություն

2.1 Խնդրում ենք թվարկել աշխատանքային պլանով և պայմանագրի թիվ 1 հավելվածով սահմանված միջոցառումների (այսուհետ՝ միջոցառում) շրջանակում կատարման ենթակա գործողությունները հաշվետու ժամանակահատվածի համար:

Հաշվետու ժամանակահատվածի համար կատարման ենթակա գործողություններն են.

- սոցիալական աջակցության տրամադրում,
- հոգեբանական աջակցության տրամադրում,
- իրավական աջակցության տրամադրում,
- կենցաղային սպասարկում և խնամք,
- բժշկական օգնության տրամադրում, այդ թվում՝ պոլիկլինիկայից դեղորայքի ստացում,
- ազատ ժամանցի, մշակութային միջոցառումների կազմակերպում:

2.2 Խնդրում ենք նկարագրել ծրագրի առաջընթացն՝ ըստ սահմանված աշխատանքային պլանի (Գանտի աղյուսակ) և միջոցառումների , նշելով՝ Ձեր կողմից իրականացված գործողությունները և ստացված արդյունքները հաշվետու ժամանակահատվածի համար: Որքանով են նշված գործողությունները նպաստել տվյալ ծրագրի խնդիրների/նպատակի իրականացմանը

- Սոցիալական աջակցության տրամադրման շրջանակներում սոցիալական աշխատողի կողմից հաշվետու ժամանակահատվածում իրականացվել է թվով 94 կարիքի գնահատում և վերագնահատում: Սոցիալական աշխատողի կողմից իրականացված տունայցերի ընթացքում աջակցություն է տրամադրվել թվով 94 շահառուի, ներառյալ 21 դեպքի վարման իրականացում («Ընտանեկան նպաստ» համակարգում վերահաշվառման կազմակերպում, նոր անձնագրի ձեռք բերման կազմակերպում, լոգանքի աթոռի ձեռք բերման կազմակերպում, լսողական սարքի ձեռքբերման կազմակերպում, հաշմանդամության տեղեկանքի կրկնօրինակի վերականգնում): Հաշվետու ժամանակահատվածում 20 շահառուի համար անապահովության միավորի վերաբերյալ ՄՄԾՏԿ-ից տեղեկանք է ձեռք բերվել: Իրականացվել է 37 ուղղորդում, միջամտություն/միջնորդում այլ կառույցներ:
- Իրավական աջակցության շրջանակներում շահառուներին շարունակական տեղեկատվություն է տրամադրվել իրենց իրավունքների մասին:
- Կենցաղային սպասարկման և խնամքի ծառայություններից օգտվել է թվով 67 շահառու:
Հիմնվելով գնահատված կարիքների և շահառուի ինքնասպասարկման կարողությունների գնահատման վրա՝ շահառուներին տրամադրվել են հետևյալ ծառայությունները՝ աջակցություն անձնական հիգիենայի

պահպանման հարցում, աջակցություն բնակարանի մաքրության պահպանման հարցում, աջակցություն գնումների իրականացման հարցում, անհրաժեշտության դեպքում ուղեկցում՝ գնումների, զբոսանքի կամ շահառուի կարիքի բավարարման նպատակով համապատասխան այլ վայր:

- Բժշկական օգնության տրամադրման շրջանակներում թվով 94 շահառուի իրականացվել է տունայց՝ ուղղված շահառուների առողջական վիճակի վերահսկման, տանը առկա դեղորայքի պիտանելիության ժամկետի ստուգմանը: Հաշվետու ժամանակահատվածում անվճար դեղորայքի իրավունք և տեղաշարժման սահմանափակում ունեցող թվով 38 շահառուի համար բուժքրոջ կողմից կազմակերպվել է պոլիկլինիկայից դեղորայքի ստացում և փոխանցում շահառուին, ինչպես նաև թվով 9 շահառուի ուղեկցում բժշկական հաստատություններ:
- Ազատ ժամանցի, մշակութային միջոցառումների կազմակերպման շրջանակներում կազմակերպվել է թվով 2 միջոցառում, որից մեկը կենտրոնից դուրս (էքսկուրսիա դեպի Թալին՝ Կաթողիկե և Սուրբ Աստվածածին եկեղեցիներ և միջոցառում նվիրված Հովհ.Թումանյանին), որին մասնակցել է 6 շահառու:

Խնդրում ենք նշել հաշվետու ժամանակահատվածում մշակված նյութերի համացանցում տեղադրված հղումները՝ առկայության դեպքում (օրենսդրական առաջարկություններ, համառոտագրեր, հաշվետվություններ, մեդիա պրոդուկտներ և այլն)

Հաշվետու ժամանակահատվածում Շենգավիթի ցերեկային կենտրոնի ֆեյբուքյան էջում տեղադրվել են հետևյալ հղումները.

- Միջոցառում նվիրված Հովհ.Թումանյանին (տե՛ս հետևյալ հղումով՝ <https://www.facebook.com/watch/?v=410500024513390>),

2.3 Խնդրում ենք ներկայացնել հաշվետու ժամանակահատվածում քաղած դասերը և/կամ ծագած խնդիրները, որոնք խոչընդոտել են ծրագրի գործողությունների իրականացմանը:

Հաշվետու ժամանակահատվածում հիմնական խնդիրը, որին բախվել է Շենգավիթ համանքը սպասարկող թիմը դա տնային սպասարկման շահառուներին միջոցառումների ներգրավման մեջ է. շահառուները առանց այդ էլ ունենալով տեղաշարժման խնդիրներ՝ հրաժարվում են մասնակցել մշակութային միջոցառումներին: Բացի այդ՝ նոր շահառուների (տեղաշարժման լուրջ խնդիրներ ունեցող) ընդգրկման ընթացակարգում դժվարություններ են առաջանում բժշկական քարտի լրացման հետ կապված:

2.4 Խնդրում ենք թվարկել հաջորդ հաշվետու ժամանակահատվածի համար նախատեսված գործողությունները (կցելով նաև շահառուների ցուցակը):

Հաշվետու ժամանակահատվածում նախատեսվում է շարունակել իրականացվող հետևյալ գործողությունները.

- սոցիալական աջակցության տրամադրում,
- հոգեբանական աջակցության տրամադրում,
- իրավական աջակցության տրամադրում,
- կենցաղային սպասարկում և խնամք,
- բժշկական օգնության տրամադրում, այդ թվում՝ պոլիկլինիկայից դեղորայքի ստացում,
- ազատ ժամանցի, մշակութային միջոցառումների կազմակերպում:

2.5 Խնդրում ենք նշել, Ձեր կողմից իրականացված այն գործողությունները, որոնք նախատեսված չեն եղել ծրագրի աշխատանքային պլանով, բայց իրականացվել են ծրագրի նպատակին հասնելու համար:

Ծրագրի շրջանակներում սահմանված նպատակներին հասնելու և աշխատակազմի կարողությունների ու գիտելիքների շարունակական զարգացումը ապահովելու համար՝ Կազմակերպության աշխատակիցները մասնակցել են ներքոնշյալ թրեյնինգներին.

- ✓ «Իրական աշխարհ, իրական մարդիկ» ՀԿ-ն կազմակերպել է 1-օրյա դասընթաց «Առաքելություն Հայաստան» ԲՀԿ-ի աշխատակիցների համար: Հրավիրվել էր նաև «Կախվածությունների բուժման ազգային կենտրոն»-ի սոցիալական աշխատողը՝ փորձի փոխանակման նպատակով: Հանդիպման ընթացքում ներկայացվեց թմրամիջոցներից կախվածություն ունեցող անձանց հետ աշխատանքը, ՄԻԱՎ/ՁԻԱՀ ընդհանուր հիմունքները եվ ՄԻԱՎ-ով ապրող անձանց հետ հոգեբանական եվ սոցիալական աշխատանքի առանձնահատկությունները:
- ✓ Տարեցների առողջության եվ խնամքի ապահովման ասոցիացիայում կազմակերպվել է եռօրյա դասընթաց՝ «Տարեցների հետ սոցիալական աշխատանք» թեմայով: Դասընթացի շրջանակներում դասախոսություն է եղել կոնֆլիկտի կառավարում, սոցիալական դեպքի վարում, ինչպես նաև տարեցներին վերաբերվող այլ հարցերի շուրջ քննարկումներ: Դասընթացի ընթացքում իրականացվել է փորձի փոխանակում ու հետաքրքիր քննարկումներ՝ տարեցների մասին: Դասընթացի վերջում տրվել է հավաստագիր՝ դասընթացին մասնակցության վերաբերյալ:

ՊԵՏԱԿԱՆ ՄԱՐՄԻՆ	ԿԱԶՄԱԿԵՐՊՈՒԹՅՈՒՆ
<p>ՀՀ աշխատանքի և սոցիալական հարցերի նախարարություն</p> <p>Նախարարության գլխավոր քարտուղար՝</p> <p>_____ Ս.Մուրադյան (ստորագրություն) Կ. Տ.</p>	<p>«Առաքելություն Հայաստան» ԲՀԿ</p> <p>Նախագահ՝</p> <p>_____ Ե.Մխիթարյան (ստորագրություն) Կ. Տ.</p>

